


Višegrad leži na rijeci [Drini](#), u prostranoj kotlini, na brežuljkastim padinama koje se blago uzdižu u planine visoke preko 1000 metara. [Višegradska kotlina](#) je jedna od rijetkih proširenja u toku rijeke Drine koji se sastoji djelomično od visokih klisura i [planina](#).

Na mjestu gdje se planine koje čine uski i duboki kanjon Drine razdvajaju u prostranu kotlinu, stoji kameni 500 godina star most s 11 lukova širokog raspona, poznatijeg svima kao "[na Drini ćuprija](#)" (roman [Ive Andrića](#)).



 Po posljednjem službenom popisu stanovništva iz [1991.](#) godine, općina Višegrad imala je 21.199 stanovnika, raspoređenih u 163 naselja.

Tokom [rata u BiH](#), Višegrad je bio jedan od prvih gradova žrtava. U njemu su počinjeni masovna strijeljanja i progoni Bošnjaka.

Višegradski most je dug oko 250 metara i širok oko 10 metara osim na sredini gdje je proširen s dvije terase, sa svake strane po jedna. Taj dio mosta zove se kapija. Iduci iz čaršije, na lijevoj terasi se uzdiže stub na kome je ugrađena ploča s natpisom stihotvorca Badija iz godine [1571.](#) (kada je izgradnja mosta završena) o onome tko je izgradio most i godinu kada je izgrađen. Nasuprot ovom

stubu s desne strane nalazi se terasa koja se zove Sofa. Sofa je uzdignuta s dvije stepenice i ograđena kamenom ogradom kao i cijela dužina mosta.

Jedna od slavnijih južnoslavenskih legenda u stihovima pjevala se među muslimanima u Višegradu o gradnji ovog mosta, a obilježuje se čestim narodnim mitom o ugradjivanju žive žrtve u kamen da bi velika građevina mogla opstati. Na ovu legendu aludira i Ivo Andrić u prvim poglavljima svojeg romana, a poznatiji njen refleks je srpska pjesma o "zidanju Skadra."

Andrićgrad ili Kamengrad je grad, kulturni centar i vrsta etno sela, koji se nalazi na lokaciji Ušće na samom ušću rijeka Drine i Rzav u Višegradu, a idejni tvorac je redatelj Emir Kusturica.





Od mosta počinje i višegradska čaršija smještena najvećim djelom na desnoj obali. Čaršija je jednim djelom u ravnici a jednim u obroncima brijegova. Odmah poslije glavnog djela čaršije nalazi se usće rječice [Rzav](#) i Drine. Treba spomenuti i prelijepi “sportski centar” i restoran “Ušće” koji se nalaze u trokutu, koji prave ove dvije rijeke na mjestu gdje se spajaju. Ovdje su Višegrađani provodili prelijepu ljetne noći u šetnjama i kahvenisanjima. Zbog ovog usća, Višegrad je poznat i kao “varoš na vodi”. U trokutu između desne obale Drine i lijeve obale Rzava nalazi se glavni dio čaršije.

**Goražde** je [grad](#) i jedna od tri općine [Bosansko-podrinjske županije Goražde](#), u istočnom dijelu [Bosne i Hercegovine](#). Glavna naselja općine su Goražde, [Bačci](#) i [Vitkovići](#).

U gornjem toku rijeke [Drine](#), otprilike u središtu njenog gornjeg toka, nalazi se grad Goražde. Grad ima povoljan geografski i strateški položaj. Smješten je na istočnim obroncima planine [Jahorine](#), na nadmorskoj visini od 345 m, 43° 40' sjeverne geografske širine, te 18° 58' istočne geografske dužine. Pjesnik bi uočio *da se grad nalazi na obje strane rijeke Drine, vezan drinskim mostovima*.



Grad okružuju uzvišenja Mišjak na jugozapadu, Biserna na jugoistoku, Samari na jugu, Gubavica na zapadu i Površnica na sjeveru. Između ovih lijepih šumskih predjela, prkosno i nekada plahovito protječe ljepotica Drina, koja nizvodno od grada, otprilike oko jedan kilometar gubi svoje pravo ime i prelazi u [umjetno jezero](#). Dolina Drine bila je glavna raskrsnica, odnosno [prometna](#) arterija na području [istočne Bosne](#).



Važan je to put za Primorje, [Srbiju](#), [Crnu Goru](#), dobra veza sa [Sarajevom](#) i drugim krajevima. Za sve ove puteve znali su stari [Rimljani](#), srednjovjekovni [Dubrovčani](#) i mnogi drugi. Poseban značaj Goraždu u prometnom pogledu davala je pruga uskog kolosijeka [Ustiprača - Foča](#) izgrađena [1939.](#) godine. Veći značaj Goražde dobija [1958.](#) godine kada je izgrađen put Goražde - [Tjentište](#) - [Čemerno](#) - [Gacko](#) - [Dubrovnik](#).

Povoljna klima, plodno tlo, bogatstvo šuma kao i druga prirodna bogatstva pružala su ovom kraju dobru mogućnost da se u davnoj prošlosti na mjestu današnjeg grada nasele ljudi. Ovdje postoje tragovi života iz [prapovijesti](#), a [arheološka](#) iskopavanja potvrđuju da su naselja Popov Do, Zupčići, Podhranjen i još neka druga mjesta bili naseljeni već u mlađem kamenom dobu. Naselja iz okoline Goražda: Sopotnica, Zidine (Kopači), potiču iz rimskog perioda. Kako je sam grad nastao ili kako je dobio naziv, nema sigurnih podataka, ali se zna da se ime grada prvi put spominje [1397.](#) godine. Iz te srednjovjekovne prošlosti ima dosta spomenika koji govore o životu na ovom prostoru. Uglavnom su to pisani nadgrobni spomenici - [stećci](#). Zna se da su na području današnjeg Goražda u doba Kraljevine Hrvatske bila mala naselja [Goražda](#).

Je li je grad dobio ime od korijena riječi *gorjeti*, ili po tome što mu je okolina bogata [šumama](#) - gorama, sigurno se ne zna. Smatra se da je točna tvrdnja [filologa Gorana Vukovića](#) da ime Goražde vodi korijen od [slavenske](#) riječi Gorazd.